

„parapluie-a“, dokelž by směch a haniba po cyłej wsy, haj wosadže wulka była, cheyla-li raz jena serbska wjesnjanka spytać po wašnju měšćankow swój „parasol“ woprawdže jako parasol trjebać. Tola naše Delnjołužičanki noša swój předešćnik, kaž wony znaty stary mudrowc, stajnje tež při najrjeniším wjedrje sobu wokoło, wěsće ze zlutnej starosćiwosću wo swoju rjanu nje-dželsku a wšědnu pychu, a tuž su jemu z někajkim prawom džiwno mjeno „parasol“ dawa, dokelž z nim slónčko šerja! Tajke předešćniki su zwjetša wot wowkow a ćetow namrěte kubło, po zastarsku wulke, módropłatne, ze žořtomosaznymi spinkami a wobbitkami. Tu a tam pak wohladach w rukach mlódšich a bohatšich tež moderniše, haj cyle moderne židžane předešćniki. Někotre stare babki mějachu město parasolow pod pažu wulku bělu płatowu płachtu. W rukomaj dźeržeše kóžda žónska swoje spěwařske a na nich rjane sněhběle trochu wulke šantko, cankate a wšelako wušiwane. Stare a khudše žony mějachu tež pisane wšelakoróžate šantka.

Tajke nje-dželske žiwjenje, tajke serbske wobrazy njehodža so dokładnje rjenje wopisać, kóždy zdžěłany Serb dyrbi je raz sam widžeć; to wubudža a wobtwjerdža lubosć k narodnemu ludu a jeho wašnjam mócnje!

XXIII. Ochozka wosada.

Tutu wosadu twori jenička srjedź hole ležaca wulka wjes Ochoza (Drachhausen) z 1138 wobydlerjemi; k njej słuša pak blizka Nowa Ochoza (Kolonie Drachhausen). K tomu je w Prjawozu filialna cyrkej, tola do teje tež Brjazynscy wosadni khodža (hl. dale delkach). Ochoza je tajka dosć zamóžita hollandska burska wjes kaž w našich Hornich Łužicach Wochozy. Ryćerškubło, kotrež so tam 1825 předawaše, su burja cyle mudrje hromadže kupili a mjez sobu rozdžělili. Hdy bychu tola wšitcy naši burja při składnosćach tak rozumnje a w přezjenosći skutkowali, předewšěm w khudšich wsach při pruskich mjezach, kajki wužitk by jim to bórzy přinjesło! W Ochozy je přez 200 statokow, mjenujcy 40 burskich, přez 100 poľeńskich a něšto mało khěžkařskich. Mjez tymi 1138 wobydlerjemi namaka so wokoło 100 Němcow abo tajkich, kiž maju so k Němcam, ale nimale